



UNIVERSITÄTS-  
BIBLIOTHEK  
PADERBORN

# **Universitätsbibliothek Paderborn**

## **Explanatio In Psalmos**

Complectens Psalmos à 76 ad 100

**Bellarmino, Roberto Francesco Romolo <Heiliger>**

**Dusseldorpii, 1764**

**VD18 15558428-001**

Psalmus LXXIX.

[urn:nbn:de:hbz:466:1-53423](#)

¶. 15. In generationem, & generationem  
annuntiabimus laudem tuam.

Verè scribit S. Aug. verba ¶. 13. esse potius prædictionem, quam imprecationem: & ex illâ certissimâ prædictione concludit: illi, ut meriti sunt, recipient in finum suum gravissimam ultionem: nos laudabimus te, & prædicabimus gloriam tuam in sæcula. Vaticinium adumbratum est in Hebræis post persecutionem Antiochi; sed impletur multò verius in Ecclesiâ Christi post tot persecutions.

PSALMUS LXXIX.

**T**itus: In finem pro his, qui communabuntur, testimonium Asaph, Psalmus.

Illud, testimonium Asaph, significat hunc Psalmum esse testimonium per Asaph decantatum, quo Spiritus S. testificatur captivitatem Israel, & liberationem. Cetera patent ex Ps. 44. & alibi.

Argumentum est prædictio captivitatis, & liberationis Hebraorum. Quæ figura sunt captivitatis generis humani per Dubolum, & liberationis per Jesum Christum Salvatorem nostrum.

¶. 1. Qui regis Israel, intedes qui deducis velut ovem Joseph.

Incipit invocando Deum, & orando, ut exaudiatur orationem. Tu Deus, qui es proprius



Rector, & pastor populi Israelitici, & qui deducis ad pascua velut ovium gregem, eundem populum descendenter ex Joseph, audi orationem, quam fundo pro ipso populo tuo.

V. 2. Qui sedes super Cherubim, manifestare coram Ephraim, Benjamin, & Manasse,

Rogavit Deum, ut intenderet aures ad precies populi; jam rogat, ut intendat eum oculos, & benignè respiciat. Tu Deus, qui sedes in Cælo super primarios Angelos, qui Cherubim appellantur, & in typum hujus rei in sanctuario tuo, super imagines Cherubim propitiatorium, quasi thronum tuum habes, ubi & Arca quasi scabellum pedum tuorum est, ostende faciem tuam, h.e. placare filiis Israel. Non minat tres illas tribus, quia Ephraim, & Manasse erant filii Joseph, scatis utetini ipsius Benjamin; & V. 1. per Joseph torum populum significaverat.

V. 3. Excita potentiam tuam, & veni, ut salvos facias nos.

Superiora jam dicit clarius. Potentia tua quasi sopita videtur, dum nos affligi sinis ab iustis persecutoribus nostris: ideo Excita &c. & veni per auxilium tuum potentissimum, ut salvos nos facias.

V. 4. Deus converte nos; & ostende faciem tuam, & salvierimus.

Cur

Cur Deus læpe nos non respiciat , causa est,  
quia nos avertimus ab eo faciem , & conver-  
timur ad res creatas ; sed quia sine auxilio Dei  
non possumus ad eum converti , ideo utrumque  
petit in persona populi Deus inspira nobis  
amorem tuum , ut averti à rebus creatis , ad te  
iterum convertamur . Et simul converte ad nos  
faciem tuam , ut ita sanctæ caritatis vinculo  
retum uiri ab hostibus omnibus , qui nos im-  
pugnanti salvi esse possimus

¶. 5. Domine Deus virtutum , quousque  
irasperis super orationem servi tui ?

Videbat magnam iram Dei exarsisse in popu-  
lum peccantem , nec se ideo facile posse ex au-  
diti , ideo orat vehementius : Domine Deus  
exercitum , qui terribilis es , militiæ Cœlesti  
innumerabili circumdatos , quousque irasperis  
etiam mihi oranti ? Vide Thren. 3. ¶. 44.

v. 6. Cibabis nos pane lacrimarum , & po-  
tum dabis nobis in lacrimis in mensura.

Subintellige hic quousque , ut sensus sit : quo-  
usque sines nos in tantâ afflictione morari , ut  
nihil magis ; quam lacrimari nobis libeat , &  
sic lacrimis , quasi cibo , & potu sustentemur ?  
Illud , in mensura , hebraicè significat in mensu-  
râ plenissimâ , & supererfliente .

¶. 7. Posuisti nos in contradictionem vici .

nis nostris, & inimici nostri subsannaverunt nos.

Ecce causam tanti mœroris, & lacrimarum. Cùm nos auxilio tuo destituisti, fecisti, ut omnes vicinæ gentes auderent nobiscum pugnare: & inimici nostri nobis ut victis insultant, & exprobrant debilitatem.

v. 8. Deus virtutum converte nos, & ostende faciem tuam, & salvi erimus.

Est idem cum v. 4. Addit virtutum, h. c. Deus exercitum.

v. 9. Vineam de Ægypto transtulisti, ejecisti gentes, & plantasti eam.

Ut impetreret, quod petit, meminit beneficia Dei, dum eduxit Judæos ex Ægypto. Populum tuum, quali vineam de terrâ stetili Ægypti in terram fœcundam Palæstinæ transtulisti: & ex terrâ hâc optimâ ejecisti gentes, idololatras, velut inuiles vites, & plantasti eam, vineam tuam videlicet.

v. 10. Dux itineris fuisti in conspectu ejus: plantasti radices ejus, & implevit terram.

Ut intelligas cum loqui de vineâ rationali, seu hominibus, admisceret propria metaphoris. Cùm transferres vineam, ut dictum est, & vinea ipsa, utpote rationalis, progrederetur, tu viam ostendisti, nempe in columnâ nubis, & ignis.

Con-

Confirmasti populum tuum in terrâ promissio-  
nis, & propagasti eum, ita ut totam illam ter-  
ram habitatoribus repleret.

*V. 11. Operuit montes umbra ejus, & ar-  
busta ejus cedros Dei.*

*V. 12. Et extendit palmites suos usque ad  
mare, & usque ad flumen propagines ejus.*

Describit Judæorum incrementum, & mis-  
cet metaphoris hyperbolæ. Hæc vinea adeò in  
altum exerevit, ut esset altior montibus, eös-  
que umbrâ suâ tegeret; ita ut ejus palmites ce-  
dros Dei, h. e., altissimas obumbrarent. Sig-  
nificat autem hæc altitudo potentiam, & glo-  
riam Regni Israelitici, supra potentiam, & glo-  
riam multorum Regnum. Tum describit  
propagationem. Extendit Ge., gens Israeliica  
ita multiplicata est, ut repleret terram promis-  
sionis ad occidentem usque ad mare mediterra-  
neum, & ab oriente usque ad flumen magnum  
Euphraten, sic Deus promisit Deuter. 11.

*V. 13. Ut quid destruxisti maceriam ejus,  
& vindemiant eam omnes, qui prætergrediuntur  
viam?*

Explicatâ magnitudine, & gloriâ populi,  
jam in eâdem metaphora deflet ejus miseriā,  
in quam incidit ex indignatione Dei. Quare  
removisti ab hoc populo auxilium suum, quod  
erat

erat quasi maceria , undique claudens vineam i-  
cur sinis , ut omnes inimici hujus populi in il-  
lum prævaleant , ac diripient , ut diripiuntur  
vineæ ab omnibus iter facientibus , dum de-  
structa est maceria ? sæpe Regnum Isræ littatum ,  
deserente eos Deo ob peccata populi , cessit in  
prædam Philistæis , aut Medianis , aut aliis .

v. 14. Exterminavit eam aper desylva , &  
singularis ferus depastus est eam .

Deplorat in particuli gravissimam capti-  
vitatem sub Rege Assyriorum , sive Salmana-  
sar , qui toras decem tribus , sive Nabuchodo-  
nosor , qui reliquas duas captivas abduxerat ,  
eversâ urbe , incenso templo . Hunc Regem  
vocat a primum silvestrem , & singularem ferum ,  
qui non vindemiavit , sed eradicavit penitus  
vineam . Porcus silvester dicitur singularis ,  
quia solitudine gaudet ; & ferus , quia in cam-  
pis silvæ , non in stabulis habitat .

v. 15. Deus virtutum convertere , respice  
de Cælo , & vide , & visita vineam istam .

Per modum orantis prædictum adventum  
Christi , qui vineam reformatum , & aliis co-  
lonis custodiendam tradidit , Matth . 21 . Deus  
exercituum convertere per misericordiam ad  
populum , à quo per iram justam jam diu  
aversus es : saltem de Cælo respice , & vide ,  
quām

quam deforinata sit vinea ista ab a pro silvestri:  
veni, ac visita per te ipsum vincam istam. *Vide*  
*Luc. 13. v. 68.* Insequitur de *Incolumis* q. cui  
v. 16. *Et perfice eam, quam plantavit deca-*  
*tera tua, & super filium hominis, quem con-*  
*firmasti tibi.*

Clarius prædictit adventum Messiae. Inchoa-  
tum opus perfice. Ecclesiam Testamenti ve-  
teris pene destructam reformat, & meliorem  
redde, quoniam tu eam initio fundasti, &  
quasi vineam plantasti, non ut periret, sed  
ut fructum faceret. Et respice etiam super Mes-  
siam, qui filius hominis dicetur, cum etiam  
sit verus filius tuus, quem tibi stabilivisti in co-  
lonum præcipuum vineæ tuæ, seu in Ducem,  
& Principem Ecclesie tuæ. Orat igitur Pro-  
pheta, ut Deus impleat promissionem de mi-  
tendo Messiam: & quoniam si genus Hebreo-  
rum omnino perierit, Messias sine dubio non  
venisset, ideo rogat, ut non permittat, vi-  
neam istam omnino destruas sed respiciat super  
Messiam futurum de semine Abrahæ, & ideo  
conserver geniem Hebraicam, unde tantum  
bonum exspectatur.

v. 17. *Incensaigni, & suffossa ab increpa-*  
*tione vultus tui peribunt.*

Declarat effectum, quem patiet adventus  
Met-

Messiae, futurum scil., ut vinea Domini in-  
eensa igni, & ab hostibus eradicata, continuo  
iterum vitescat, & floreat: nam increpante,  
seu imperante Deo, ut cesset vastatio, continuo  
peribunt incensio & suffossio.

¶. 18. *Fiat manus tua super virum dextere  
tua: & super filium hominis, quem confirmasti  
tibi.*

Securus de adventu Messiae, fausta illi preca-  
tur. *Fiat manus tua ad protegendum semper,*  
& ubique vitum, quem non cooperatio virtutis,  
sed sola Divina virtus in utero Virginis forma-  
vit: nec eum electio humana, sed sola volun-  
tas Divina Regem Ecclesiae fecit.

¶. 19. *Et non discedimus a te, vivificabis  
nos, & nomen tuum invocabimus.*

Christo nos regente, non amplius discedemus  
a te, quia Regnum Christi aeternum erit: vi-  
vificabis nos vita gratiae hic in terris, & vita glo-  
riæ postea in Cælis; & nos laudabimus te, &  
gratias agemus in aeternum.

¶. 20. *Domine Deus Virtutum converte  
nos: & ostende faciem tuam, & salvi erimus.*  
Vide ¶. 8.

### PSALMUS LXXX.

**T**itus: *In finem pro torcularibus. Psalmus ipsi Asaph. Vide titulum Ps. 8. Quidam*